

نُص رُوح
عَبِير السَّيِّد الرَّائِي

نص روح/ شعر

عبير السيد الراوي

الطبعة الأولى ، ٢٠٠٨

جميع الحقوق محفوظة



دار اكتب للنشر والتوزيع

القاهرة ، اش المعهد الديني ، المرج

هاتف : ٠٢٢٤٤٠٥٠٤٧

موبايل : ٠١٢٩٢٥١٥٩٢ - ٠١٨٢٣٦٣٠٣٥

E - mail : dar_uktob@gawab.com

المدير العام :

يحيى هاشم

تصميم الغلاف :

محمد العرفي

رقم الإيداع : ٢٠٠٨/١٦٢٩

جميع الحقوق محفوظة ©

نُصُ رُوح

شعر

عبير السيد الراوي

الطبعة الأولى

٢٠٠٨



دار اكتب للنشر والتوزيع

إهداء

إليها.. من يعجز القلب عن وصفها.

أمي

إليه إنتفاضة الروح.. أصدق ما كُتب وما لم

يكتب بالديوان.

عابر سبيل

إليكم

عبير

.....

لحظة خروجي م الحياه
أجمل ثواني للقا
تخرج ضلوعك من ضلوعي
أتنفسك
مين قال دموعي للفراق
هو اللقاء؟
من إمتى كان بيوئسك؟

الجنب ده صابح برئ
و الجنب ده مات بالبطئ
و الجنب ده ما عاد يطيق
حمل البدن
مين يشتري
لجل اما يتعافى البدن
مين يشتري وعندي التمن
وإن ما اشترى إتفرج
أنتيکه من زمن الزمن
آل قلبها اثحرّك
مين يشتري؟
وإن ما اشترى إتفرج

انتبكه

مَحَنِيَّة دَقَات الفَرَح
والفاصلة واقفة
ع النواصي
لو حَايَلَت الجنب اليمين
جانبي الشِّمال عاصي
مين يشتري؟
وإن ما اشترى إتفرَّج

سنيك

إمبارح
شبكت صوابع إيدى
و حاولت ألحقها
قبل ما بالها يسر سب فيها الفكرة
حرف النكره اللي على يمينها
دونها
في قائمة من الممنوع م الصرف
م الطرف

شابكة حنين أحلامها ف شارع سد

يتهد

اللون الأبيض بين شفايفها

تصنيفها

خلى رتوش ألوانها تئسن

مع إن

بقاها كثير مشتاقه للمسمة عينه

تسرب فيها الفكرة

فما الحقيتش

وقعت

طريق

مطروح ومقسوم ع الورق
والشوك بيضرب ف السنين
والجمع رافضك ع الملاء
ماانتاش صحيح قد السبق
لكن برئ
واحد طريق العشق من يوم ماتولد
يادي الهدد

عمال بياكل في الجذور
يا قلبي دور
وسط السواقى العطشانين
إطوى الحنين اللى إندفن
في عيون حبيب شايل كفن
بسمة ندى
أول ندا
م الوقت ده
إدفن في موج العشق طيح
م الوقت ده
حاول تكون
واحد صحيح

وحدك

لا كان عاصي ولا مجنون
و كان درب الهوى طيفه
و كان بين السحاب مفتون
ولامم دمه في خسوفه
ودلوقتي بقيت وحدك
ويا وحدك
هاتعمل إيه ما بين الخلق و الطوفان
ويا وحدك هاتركب مركب النسيان

و تتغنى
هنا الممنوع .هنا المسموع . هنا حاضر
هنا دموعك هاتتصادر
على خدك
تبات و الفجر يماطل
دفا قلبك
تخاف الليل ليلعب بك
و بين الشمس و غروبها
و بين الغربة و دروبها
يتوه دربك
و مين يتحملك....وحدك
ما دلوقتي بقيت...وحدك

توشیحہ

قلبك و قلبى.....

معضلة

توشیحة فارضة الأسئلة

و الأجوبة

متقيدة بجرح الخطا

يرسى العطا

على دمعة منى و ضحككتك

ألقاك

بعرض الأسئلة وطول الجواب
زى إنتساب الحزن لدموع الفرح
تربيعه ناوية تنطرح
بين المعادلات والقسَم
والبيع قسَم
نظرة عيون للشرا
بين الدُرة
تلبد مشاعرى فى دُنيتك
فالقاك بكامل قسوتك
أهونَ عليّا من الفرح

ع الفاضلي

ما بين دمي وبين روحي
ضلوعك اللي انا منها
بعوجة حوا من يومها
ولعنة شجرة التفاح
نصالح بالعناد روحنا
فانرجع بانسحاب روحنا
و طلقة حلم ع الفاضلي
تصيب القلب في المليون

يموت برانا مانحسش
بصوت جوانا بيعزي
في آخر مُلتقى الأنفاس
تضاد واضح
أحب أموت على كفك
تحب تموت ما بين الناس

فوق حد الصمت

إليه وحده أبي

لما العمر يسافر منا
لما يدوب الليل ف النبض
إيه راح يوصل تاني ما بينا
غير الورقة وصوت الخط
إستنيك بين الورقة
إستنيك حد الصمت

و أعمل إيه لو غابت مرّة السكة فى عيني
أعمل إيه فى الضلّمة اللي بيتحدى النور فى
جبيني
أعمل إيه فى الليل و الشرد
إستنيّتك بين الورقة
إستنيّتك لما تعبّت
إستنيّتك وأنا مش قادرة أصلاً أصدق
إنك وسط اللّمة رحلت

فتافيت القلب

فتافيت القلب
بتلم الحلم المكسور
من تحت العقب
فرميت الزهر
ما لقيتش إلا العكاز إياه
والشيش واليك بيتخانقوا

مين يخطف مني الحلم الأول

عمنول

كان إحساسي بيحدف بيَّا لآخر الخشب

فا اكش

طب دوش

ما انا مش حرّيف علشان احميك م اليأس

ده أنا لسه يادوب باندس

في آخر لحظة مد

يا الحسد

يا الواقف على شباك القلب

ما تمسّد

و تلمّ الحلم المكسور..

من تحت العقب

قلب الشط

مسيرك ليا .. مش بغرور
ولا بانسج على ميه
ولا باوهم خيوط النور
بان الشمس مش جاية
يطول البعد طَبْ ما يطول
ما مين يمنع لقا الموصول
وجميع الموج لقلب الشط

ومين يقدر يغير ف اتجاه النبض
حبيبي يا مينا شائلة الوعد
أنا زيك وزى الموج
وضم الهوى المنسوج
بلون الآهه و الفرحة
فمايهمش
مدام الدمعة متصالحة
و جوأنا التاريخ موصول
يطول البعد طب ما يطول

بلياتشو

عناد الليل
بيجرى بين عيون الشمس
وموج الهمس
متصالح مع سكوته
و حان الوقت
يطلع تاني ع المسرح

ويتصفح
طريق الجوف
ومن غير خوف
يواجه طعنة المشهد
بدأ يثبت
وحاول يتدي ينحت
مداه المفقود لآخر نقطة في المسرح
و يستسمح
صداه المبهت
فايتفطن ما بين القومة والمرقد
قفات مشهد ورا مشهد
ورا مشهد

حَنَّةٌ وَجَدَتْ

شَتَّتْ
فَكَانَ الْبَرْدُ غَيْرَ كُلِّ الشِّتَا
وَهَنَّ الطَّرِيقَ
فَرَقَ عَلَى كَعَابِ الْخُطَا
حَنَّةٌ وَجَعَتْ
لَوْ كَانَ بَرِيءٌ كَانَ إِرْتَجَعَتْ
لِحِظَةٍ مَا سَلَّسِلَتْ الْأَمَّ
لِحِظَةٍ مَا حَاوَلَتْ مَرَّةً تَصْرُخُ فِي الْخَفَا

و تدارى عناقيد الجففا
البأينة ف ملائحه عن عينيها
لو كان برئ
كان محتمل رعدة إيديها
اللى إنفلت منها الدموع
تحضن المجهول فى قلبه
و تضخ شريان الدفا
فى جدره اللى نبت ع الخلا
وتفك رهن الأوردة
شتت
فكان البرد غير كل الشتا

من إمتى الخوف
 بيخلى ناموس الكون يختل؟
 يا حفان التل
 متهيألك
 متهيألك إنك حاجة الرؤية ف عيني
 متهيألك إني ف حضن الليل بارميني
 متهيألك إني دليل تايه في الوادي
 إني أحادي

سهل الموت
هو النخل يهمه الصوت
العايم بين تلافيف الريح
متهياً لك إني ضريح
لَمَوا الناس حواليه للتوهة
هو الخوف بإيديه المشروعة
يخفي النور في عيون الشمس

ع المكشوف

شاركت في تجارة الحياة
و كتبت عقد
وشروط جزاء
و العشق داء
والشرط كان العشق لأ
جمدت كل الأرصدة
لجل أمّا ما حلمش بهواك

وسَحَنَت جَوَايَا اللقا
و الریح زی المطرأة
من غیر هوی
عمال بیحی ف دنیق
فضربت حظی ف قسمی
وسَحَبَت ع المكشوف
لجل اما أبصر على السطوح
اللی ف شوارعی المیتة
و فتحت لك
يمكن ألاقى فيك أنا
فارجعت ...
بخسارة حياة

لحظة طيش

مليان

على أخرنبض ف دم عروق الواقف جنبك

مستنى تعدى فى لحظة طيش

و بتحلم لو يطلع لك ريش

و كثير أفكارك تحذك فوووووق

على نفس النقطة

اللى اتعودت تسبب إحساسك فيها

تحاكيها

وف آخر القعدة
تلاقى عيونك ساية دموعها هناك
ولا عرفت مرة تكون ضلك
ولا عرفت حتى تكون أشواك
و هناك بتقابل نفس الشخص
اللى إنت كثير بتحاول تهرب منه
تحسب له

إزّاي ييفوت الوقت و قلبك واقف
تتشاغف
و تحنّ للحظة شوق عمّالة تراحم فيك من
مدة
و النكتة
إنك برضه هناك
مستنى تعدى ف لحظة

طيش

النهاره

لما أكتب بين سطور الأمنيات
تفتكر أنا هاكتب إيه.
لما أقول لك اللي جاي واللي فات
هو إنت؟!
لما أقول لك إن شوقي لحد إمتي
مش عارفني بس عارفك
لما أقول لك

ان كل الدنيا في عيوني ملاحظك
تفتكر مابقاش بحبك؟
وانت عارف إني مش هالقاني بعدك
وان كل شيء ف بُعدك
يبقى معناه الجنون
النهاردة .. كنت عندك
و اللي كان ناوي الرحيل مش أنا

اللى كان ناوى الرحيل
هو خوفك م الظنون
هو خوفى إني أضيع وسط حبات الغيوم
النهاردة فات عليا المستحيل
واما جيت ويّاه أميل
شوفت صورتك ويا صورتي
وابتديت جوايا حيرتي
من هنا
لما شوفتك ويا منى
وإحنا بنخاف بعضنا

وجه الخريف

محروح صحيح
ولاً ده شكلك من زمان
من ليل طريح
مايل على كتف اللي كان
تتف ألم
تصرخ ف كل الأمكنة
يرجع صداك من غير جواب
محدوف على كلمة عذاب

محروح صحيح
ولاه انت جارح خطوتك
شايل على قلوب سكتك
بركان غضب
شارد في موجة من الصخب
رافضة الحنين في الأوردة
دايب في حبات الشتا
وجع الخريف

وان كُنت بتخاف م الشتاء
بُكره الشتاء يطلع له صيف
مجروح صحيح
ولاه انت قلبك مستضيف
نبت الوجع
لامم عقود الإحتكار
وانت اللي دمك مستعار
للأغنيا

تايه بأثبات الضياء
و الشط واقف من بعيد يحذف ندى
على صخرة من كُثر الصدى
نحتت ملامحك ع الجدار
و الإنتظار
بين لهفة الشوق و الحنين
يا هل ترى لساك بتحلم بالصفاء؟
يا هل ترى لساك حزين؟

غَنوة

ولحد ما فاتت بين أوراقى
لَمَّت كل مَلاحى ف كلمة
وَإِتَحَدَّت إحساسى المُمكن
يصرُخ من آثات الكلمة
ف تطرح غنوة
شائلة ما بين دقاتها السلوى
ولحد ما فاتت
سابت بين إحساسى الساكت

ليل مطحون
هَمَسْتُ فِ صِرَاحِي المَكْتُومِ
مَدَّتْ تَوْبَهَا عِشَانِ مَا تَغِيْتِنِي
و غَابَتْ فَجَاءَةٌ !
غَابَتْ زِي مِشَاعَرِي اللَّاحِظَةُ
فِ حِلْمٍ بَعِيدٍ
غَابَتْ زِي خِيُوطِ الحِلْمِ فِ كَفِّ الْإِيدِ

تفاصيل الحلم

تفاصيل الحلم
بتعافر ويا شعاع النور
و بتحفر جوايا و تعزق
و تصدق
لو مش بالحلم
كان قالوا القلب أكيد مسطول
تفاصيل الحلم
بتصالح فيا حلاوة الروح

و شراع البوح
متفتت فيا يمين وشمال
و عيون الليل حملاني لموج تساييح الصبر
تفاصيل الحلم
بتخطّ ف قلبي رتوش الخير
عشمانة أعدى الليل و اكتبني
تفاصيل الحلم
عشمانة أصحى الليل م النوم

من لحظة

ولأول مرة
العجز يطول القلم الخائف
م الأشواق الدايرة ف قلبي
ولأول مرة عيون القول
تبكيين و تبكى ...
علشان من لحظة

وف غمضة رمش الجفن الخايف يحلم
الحلم اخدين
ولقيتك بين الشوق وف قلبي
وبرغم الشوق
ماقدرتش حتى أقولها
واحشني

همسات البحر

في ضي الليل
ونجمة عاشقة للمواويل
وفوق سطح القمر تأويل
بإِنك مش حدود إسمى
ولا انتى قصتى ورسمى
ولا شراعك ساعات يحني على كفى
فالملم صوتك المرفى

بترنيمى
و احسبك و إنتى بتجيبى
ويرمح فيكى تكوينى فاترمينى
فى رمش عيونك التانى
عشان ابدُر فى كتّانى
عناوينك
هنا صبرى اللى من طينك
هنا تفرح قناديلك
وتتحنى بهمس البحر

هنا بالبحر نجوم ليلك
بتتهجى ف ملامح دهر
هنا إحساسى بيجيلك
عشان لسانا زى الصخر
بيتحمل و يتحمل
و يفرح لما يتأمل
طلوع الفجر
هنا إحساسى بيجيلك
ولو تاه اللقاء.. ف الهجر

خلاصہ ... لسه

تجینی و لا ما تجیشی
ہاعاند فیّا تمیشی
واشد لجامک التارس
ولو تجی ف حشا قلبی
أسیب رمشه علیک حارس
ونتخی خلاص .. لسه
خلاص لسه

نحاول نختفى أنسى
مرارة ضحكة إمبراح
يا سايح
بين كراتى البيض
و ساند بين عروقى الدّم
أنا ما اهتم لوضّيت
ماموجى بين ضلوعك يم
ولو كان انتخاب قلبك لقلبي
أخِر التصويت.. أنا ما اهتم

أقدار

تفوت أحلام على قلبى
فتأخذ وقتها وتجرى
و موج العمر يسرقنى
أقول لسه الطريق بدري
يغيب جوايا ألف همار
تصاحب دمعى التيار
أقول أقدار

واهي..... بتمشي
يموت دمعي قُصاد رمشي
ولا اسألشي
لكنك مش حُطام أحلام
ولا العمر اللي عدى وكان
مالوش معنى
فليه الفرقه تجمعنا

و ليه أحزاننا ترمينا
ف نلقى الليل بيمنعنا
نلم الفجر م الإعصار
يا فرحة آخر المشوار
بلاش تقسي
و بغصون الحياة ترسي
ف عيون الطل
بلاش تقسي
بلاش نبض الوصال يختل

امضحك

(١)

عارف بتفكرني بإيه

باللى بيحنى

لما الريح بتواتى عليه

باللى بيخلع منه جذروه

باللى بيخدع حتى عينيه

بللى بيوهم نفسه بيضحك

وهو الدنيا بتبكي عليه

عارف ...

بتفكرني بإيه

(٢)

إضحك وإتمتع بالضحكة

ورينا إزاي ذُل السكة

يُوجنا ويكسر ف عينينا

من حَقك تحنى ف رقابينا

من حَقك دلوقتي تصيدنا

ما احنا اللي رمينا لبعضينا

الطُعم اللي بيخنق صوتنا

(٣)

قالوا البُكا من غير دموع اصعب
وانا لما باضحك قلبي يستغرب
وخطوط ملامحي مني تنهرب
فاقول يا رب ليه ضحكى اصعب

ما يبهرمش

مع المونتاج
وبين الكادر والثاني
ما كنش الفاصل المحتوم
ما كنش الفاصل
لما تتصدق عليا برنة التليفون
فتحدفني ف بجر لُقاك
أغيب وأغرق

تفرّق مُعطيات اليوم
على الكادر اللي متزوّق
لآخر لقطة ف الكاميرا
يوزّك قلبك المعزوم
على حفلة سمر جرحي
بطرحي م الحياه ... ف تدوم
يدوم عزّك
تفضّل أنتحر جواك
ولا انك ترجع المهزوم

نصّ ٥٥

(١)

ما سيبتيش أحلم يجد
ما فوتلّيش قلى الوند
حبيتي فيا الخوف لحد
ما عرفتكيش

(٢)

ولأول مره

بياخذني الإحساس بالوحده

فاتحيل إني يادوب واحده

مالهاش غير قلب

و القلب إتصب عشان يترف

ونزيف القلب بيتفلسف

إكمنه كثير

ولأول مرة
بيخطي القلب ماين مشاوير
مشوار بيخاف م الضحكة
يألمها
مشوار بيتوه م السكة
يحذفها
من فوق التل
فتلاقى القلب ساعات ييفوق
وساعات يختل

(٣)

لو تضحكى لى ... لو تحضنينى

أو ترمى بين الليل وبينى

لحظة نهار

وتعدى فوق جسر المزارع اللى ف عينيا

وتخاف لما الخوف ف يوم يجرحنى بيا

وتلومي ع الحلم اللى جوّه القلب مات

وتدمعى لما تلاقينى باحتضر بين الساعات

فأجمعى كل الحروف اللى ف عيونى من

بعيد

و تلملى جوايا إحساسى العنيد
فساعتها بس ها تعرفى
انى انتظرِتك من زمان
بس اللقا مابقاش أكيد

(٤)

مش مهم العمر يجي أو يروح
مش مهم القاني باغرق وسط طيات الجروح
مش مهم الدنيا تسكت جوّه مني أو تبوح
المهم القاكى سكة توصل الضى الصبوح
المهم القاكى ضحكة تنشل الحزن الجموح
المهم لما افرح .. لما أبكى
لما أغيب عنك وروح
أبقى عارفة إني ليا جوّه منك .. نُصّ روح

الشاعرة

عبير السيد الراوي.

مواليد القاهرة.

حاصلة على بكالوريوس تجارة.

حصلت على المركز الثاني في مسابقة

الشعر بمجلة الشباب عام ٢٠٠٢ م .

حصلت على المركز الأول والرابع على

مستوى الجمهورية في شعر العامية

لمراكز الشباب عامي ٢٠٠٣/٢٠٠٤ م

على التوالي.

للتواصل:

biro-amhaa2007@yahoo.com

الفهرس

| | |
|----|--------------|
| ٥ | إهداء |
| ٧ | |
| ٩ | أنتيكه |
| ١١ | سنين |
| ١٣ | طريق |
| ١٥ | وحدك |
| ١٧ | توشيه |
| ١٩ | ع الفاضي |
| ٢١ | فوق حد الصمت |
| ٢٣ | فتافيت القلب |
| ٢٥ | قلب الشط |
| ٢٧ | بلياتشو |

| | |
|----|----------------|
| ٢٩ | حَنَّةٌ وَجَعٌ |
| ٣١ | وهم |
| ٣٣ | ع المكشوف |
| ٣٥ | لحظة طيش |
| ٣٩ | النهارده |
| ٤٣ | وجع الخريف |
| ٤٧ | غنوة |
| ٤٩ | تفاصيل الحلم |
| ٥١ | من لحظة |
| ٥٣ | همس البحر |
| ٥٧ | خلاص ... لسه |
| ٥٩ | أقدار |
| ٦٣ | اضحك |

٦٧

ما بيحرمش

٦٩

نُصَّ رُوح